

La farmacia Pütia a Picolin é stlûta dai 20 ai 27 de jügn.

SAN MARTIN

En dedemesaledema ai 23 de jügn dales 17.00 inant vëgnel indô sié la cortina. Chi che á dlaurela é der bel peria da gní a daidé, en caje de bur tēmp la jöbia.

L'Unión di Seniors da S. Martin y Antermëia organisëia n domisdé a

Sares, en domënia ai 27 de jügn, a chël ch'i inviun düc chi sura i 60 agn. I piun ia dales 14.00 da San Martin. La coriera da Antermëia pëia ia dales 13.34, an dess gní jö dala burcia da Lungiarü. Sce zacai ess debojëgn da gní mená, ves periunse da contaté Alfred da Jú. I jun cun i auti privac, al sará na picia funziun a Sares y dedô na picia marëna te ostaria da Sares. Prëibel prenotesse cina ai 25 de jügn pro Maria Sottrovish 338 17 51 839 o Alfred da Jú 333 36 54 786. Les spëises vëgn surantutes dala Unión. I Ves periun bel da tigní ite les regoles Covid. I s'inconfortun da passé n bel domisdé adöm.

Edema de saus y coriosités sura les erbes da munt dai 19 ai 27 de jügn

I inviun düc a tó pert al'edema "Erbes de Börz", cun jites menades y derzades che dess fá conësce les erbes da munt. Insciö podarán tó pert a 3 ativités cun esperc dl setur, sciöche ince ciarcé les erbes ti tais pitá te bëgn 10 üties y restoranc a Antermëia/Börz y incëria. Deplü informaziuns ciafon pro la Cooperativa Turistica Al Plan-San Martin.

L'Istitut Ladin Micurá de Rû chir por d'isté jogn/jones cun l'ejam de maturité a daidé fá na inrescida sozio-linguistica tla Val Badia y te Gherdëna. L'inrescida vëgn fata dal Istitut, adöm cun i Istitut culturai ladins de Fascia y de Fodom/Col y cun l'Università de Trënt.

En vëndres, ai 25 de jügn, sarál n'incuntada online, olach'al gnará dé les spigaziuns avisa sön les porsones ch'an ó invié da tó pert al'inrescida, sön les schedes da scrí fora y coch'ares dess gní partides fora y coiüdes adöm. Le laur é da fá d'isté, ti mëisc de messé y agost. Al vëgn pité n bun paiamënt! Sc'i sëis interessé/ada da fá para, menede prëibel na e-mail a info@micura.it, olach'i Ves presentëis dër en cört. Al Ves gnará spo mené n link por tó pert al'incuntada online de presentaziun dl'inrescida.

Le Sorvisc ai Jogn Val Badia lascia alsavëi che le sorvisc de consulënza por jogn, jones y geniturs é davert d'isté cina mez setëmber, sön apuntamënt o tres telefonn 342 84 10 721 o barbara@jogn.org. An pó damané do na consulënza personala sön temesc che reverda la jonëza y/o l'educaziun.

La strotöra sozuala La Spona – Comunità Comprensoriala de Puster – chir da setëmber 2021 inant personal: 1 post al 75% tl salf de laur (danmisdé) y 1 post al 75% tles abitaziuns (domisdé). Al vëgn chirí personal cun chëstes spezialisaziuns: operadú/ëssa sozio-assistenzial/a, operadëssa por handicap o jënt atëmpada, operadú/ëssa sozio-sanitar/a. Por informaziuns prëibel cherdede sö le numer 0471 843060 y damanede do la manajadëssa Sabine Federa.



www.valbadiaonline.it/comunita

Plata dles Ploanies San Martin y Lungiarü

ploan Klaus Sottsas 344 15 54 055 - klstottsas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



20.06. - 27.06.21 nr. 30

12ª DOMËNIA IA POR L'ANN B

Vangele do Merch 4,35-41

En chël dé, canch'al é gnü dassëra, ti à Gejù dit a sù discepu:

I jun ia sön l'atra spona.

Ai à ortié demez la jënt y é pià ia cun chë barca, sön chëra che ël é senté; n valgönes d'atres barches l'acompagnâ.

Te n iade él gnü n vënt rodel dër sterch y les ones batô sura barca ite, tan che la barca â metü man da s'impli d'ega.

Mo ël s'un stô ponü te barca iadedô sön n plomac y dormî.

Ai l'à cherdè y scraiâ: Maester, ne t'un vëlel nia ch'i jun sot?

Dailò él lovè sö, ti à manacè al vënt y ti à dit al lêch:

Scuta, sta chit! Y le vënt s'à sbonè,

y al é gnü döt chît. Y al ti à dit:

Çiodî ëise pa na te' pôra?

Ne n'ëise çiamò degöna fede?

Dailò ài ciafè na gran tēma

y ai dijô un al ater:

Çî sort de n chestian é pa chësc,

ch'al é finamai le vënt

y le lêch che ti olga?



Do che Gejù é sté döt le de cun sù discepu s'indormedëscel, bëgn dal stanch, y i discepu se sint tralasciá amesa la tempesta, scemia che Gejù é pro d'ëi.

Spo le miraco demorvëia y inultima l'invit valënt da ne avëi nia na te pora deach'al é pö la fede chiló. Na consolaziun ch'ai stënta da capí.


Insciö é la vita cun Gejù: an é tres indô trac ia y ca danter confidënza y pora,

Al é danterite tan de bi dis ch'an oress ch'ai ne se rovass nia,

y spo indô nôts scöres y pesoces olach'an s'la vëiga y ne ciafa nia sonn.

Mo sura döt é destenü fora l'invit valënt ch'i podun confidé ince tla tempesta.

Gejù é te vigni barca che manacia da jí sot, ince te chëra che iö sun. (image)

EDEMA	SAN MARTIN	LUNGIARÜ	 <i>Al é apëna gnü cialt y bele él i dis che fej indô la ota.</i> I agn un indolater ai passa sciöche vënt y les sajuns porater ma döra n momënt. L'aisciöda da renasce, l'altonn da madorí, l'isté nes dast'da crësce incuntra a té, oh Dî. I dis, fajon la ota, mëss zede ala nôt, ví, tólesse la pora, oh Dî, che te pos dôt. L'amur fej lominosa dla nôt la scuritê, la de nia tan sfadiosa sc'i viun tûa orenté. Da tó comié s'insëgnel le tēmp che é ma cört da ester muntri bügnel y s'arjigné incö. Cun fedelté sinziera variunse por nosc tru cun l'edl sôla mira, Signur, che t'es tō su. Tō crësces por dagnora tratan ch'i deschersciun, tûa opra á dorada delá da nost'aziun. A per sorëdl éle por nos a porsorí tûa vita che tla fede nes lascia ressorí.
20.06.21 12ª DOMËNIA - ann B	9.00 Corona 9.30 Gran Mëssa por la comunité cun benedisciun dl tēmp de rengraziamënt 13.30 Prozesciun ex voto sôla Crusc <i>dala Cialciara demez</i>	7.55 Corona 8.15 Gran Mëssa por la comunité cun benedisciun dl tēmp a d'intenziun en onú de Sant Antone 15.00 Corona tla capela de S. Ojöp Fr.	
21.06.21 Lönesc <i>Lovije da Gonzaga</i>			
22.06.21 Dedolönesc <i>Paulin, Tomesc Morus</i>	19.00 Mëssa por les Animes arbandonades 19.45 Sentada dl Consëi de Cöra		
23.06.21 Dedemesaledema <i>Edeltraud, Iulian</i>		7.30 Mëssa fam. Albina Mischi, Pecëi + Pire Mischi, Pecëi por les püres Animes	
24.06.21 Jöbia <i>Nadé de San Jan Batista</i>	7.30 Mëssa en onú de San Jan Batista + Angela Tavella Castlunger dl ann + Maria Sorà Costalunga Corona por Vocaziuns		
25.06.21 Vëndres <i>Eleonora, Wilhelm, Max</i>	18.30 Adoraziun chîta 19.00 Adoraziun deboriada	7.30 Mëssa + Costantino Mischi + Vittoria Clara	
26.06.21 Sabeda <i>Vigile da Trënt</i>	19.30 Mëssa prefestia de rengr. fam. Marco y Johanna Clara por vis y def. fam. Josef y Jolanda Holzer + + Maria y Giovanni Verginer, Chessl (dl ann)	18.00 Mëssa prefestia por fam. Planatscher, Sorega + Giovanni Costa, Usti Vedl dl ann + Giuvani Campeï	
27.06.21 13ª DOMËNIA - ann B	9.00 Corona 9.30 Gran Mëssa por la comunité cun benedisciun dl tēmp	7.55 Corona 8.15 Gran Mëssa por la comunité cun benedisciun dl tēmp 15.00 Corona tla capela de S. Ojöp Fr.	